

ne'ebé kelan. Nune'e ita sei partesiha ho modun gradual iha ita-nia Maksoin Nia asun libertadora. (Konst. 43).


Pausa

G. "Madre Mazzarello koalia ba nia irman sira kona-ba relasun ho Maromak."

L. "Ita tenke mós halo ho intuziasmo no fervor ita-nia pratika piedade nian, liuliu Santa Komunaun, hodi kompre loloos ita-nia santa Regra, hodi pratika dai'k liutan ita-nia voto santo pobreza, Kastidade, no obediencia" (L 16).

"Laran metin iha Jesus, tau-ita nia problema iha Ninia Futar Fuan, husik Nia mak halo, Nia sei halo loos buat hotu. Haksolok nafatin, laran diak nafatin" (L 25). " Oan feto ne'ebé hadomi Jesus la'o diak ho ema hotu" (L49).

"Hanoin nafatin katak ita la hatene halo buat ida, no buat ne'ebé ita hanoin katak ita hatene mak Maromak Nia liman ne'ebé servisu iha ita. Se la ho Nia ita lahatene buat ida se la'os mak halo aat deit" . Ho konfiansa halai ba Jesus no Maria no haraik-an ho neon-betek, no hanoin, ho aten-brani, ba oin nafatin la ho tau'k. Orasaun mak ita-nia kilat ne'ebé ita tenke kaer nafatin iha liman, nia sei difende ita husi funu-balun hotu no sei tulun ita iha ita-nia nesesidade hotu" (L 66).



TRIDUU MADRE MAZZARELLO

MAIU 2019

Tema laron dahuluk:" Ksolok ba Sira ne'ebe' laran luak, basá sira sei hetan laran luak. (Mt 5,7)

I. Momentu ho Madre Mazzarello iha Vizaun BorgoAlto

"Madre Mazzarello Nia Domin Ba foinsa'e sira"

G. "Ha'u entrega sira ba ó"

L. Ne'e mak Lian misteriozu ne'ebé bolu ba Maria iha vizaun Borgoalto nian, iha forza mandate perene ida. " Ha'u entrega sira ba ó". Lian interior ne'e mak inspirasaun ida ba Maria Mazzarello ne'ebe' haburas ninia mehi dedikasaun total ba foinsa'e feto sira, dudu nia atu la'o iha dalan foun no atu realiza vokasaun edukativa ida, ne'ebé envolve tempu badak foinsa'e feto sira seluk Mornese nian iha projetu ida hanesan. Buat ne'ebe' foinsa'e Maria Mazzarello fahe ho nia belun Petronilla mak sintesi simples no klaru kona ba buat ne'ebe' nia hakarak halo:" hadook fetoran sira husi perigu, halo sira sai diak no liuliu hanorin sira hadomi no koñese Maromak liuhusi katekeze". Ida ne'e bolun no hilin edukasaun evangelizadora nu'udar knar karizmatiku.



Canto: A Te Le Affido

Ita nia misaun mak foinsa'e feto sira husi grupo klase operária nian iha otas evolutivu nia etapa hotu. Ho don Bosco no Madre Mazzarello nia domin espesiál, ita dedika-an ba sira ne'ebé kiak liu, ba sira ne'ebé tan razaun oi-oin iha possibilidade uitoan deit atu dezenvolve no sira nia moris nafatin hasoru perigu. Ita fó atensaun Particular ba etapa adolexénsia nian, iha ne'ebé hilin fundamentál sira moris nian sai tasak. (Konst. 65)

Pausa

G. Madre Mazzarello koalia ba foinsa'e sira.

L. Maske ha'u la koñese imi, ha'u hadomi liu imi, ha'u reza ba imi hotu atu Na'l haraik bensaun no grasa ne'ebe' imi hakarak atu simu. Reza nafatin mai ha'u, ha'u mos reza nafatin ba imi, atu Na'i halo imi sai boot nu'udar ema diak, reza nain no hatene obedese. Ho laran tomak hakbesik an nafatin ba irman sira, husu sira hanorin imi oinsa hadomi Na'i Jesus, atu aprende didiak imi-nia obrigasaun nu'udar sarani diak. Hadook-an husi maluk ne'ebé aat no la'o nafatin ho sira ne'ebé diak. Iha devosaun boot ba Maria Virjem, ita-nia inan doben liu, banati tuir Nia virtude sira, liuliu haraik-an, pureza. Se imi halo ida ne'e, imi sei haksolok iha moris no iha oras mate nian" (L 44).

II. Loron daruak: "Ksolok ba sira ne'ebe' kiak iha laran, basá Reinu Lalehan sira nian" (Mt 5,3)

Momentu ho Madre Mazzarello moris iha Espirito Mornese

G. Ita nia comunidade mak Israel foun, comunidade ne'ebe' Maromak bolu atu rona Na'l nia lian, no la'o iha Ninia dalan sira tuir modelu Aliansa dahuluk.

Canto: Mornese

L. Espirito familia, forza kreativa husi don Bosco nia fuan, tenke karakteriza ita-nia comunidade ida-idak nia empenhu. Nune'e ita ida-idak buka atu simu nadatin irman sira ho respita, estima no komprensaun, iha attitude dialogu nakloke no familiar, domin, amizade loos no fraterna. Valoriza ida-idak nia kontribuisaun ba comunidade no fó buat ne'ebé diak husi nia an..... halo nune'e, sei kria iha comunidade klima ida konfiansa no ksolok nian, to'o envolve foinsa'e feto sira no kolaborador sira no favorese atu vokasaun salesiana moris (Konst. 50).

G. Madre Mazzarello koalia ba nia irman sira kona ba vida fraterna

"Haksolok nafatin, hadomi malu iha Na'i, reza nafatin ba imi nia irman sira hotu" (L.22). Dehan liafuan ida ba ha'u nia irman doben sira ne'e ida-ida iha ha'u nia naran, fo aten-brani maka'as ba hotu-hotu no halo sira hadomi malu nu'udar bin-alin ne'ebé diak, iha karidade boot ba malu, hodi hatudu Lalehan ba sira, iha ne'ebé ita hotu sei halibur hamutuk

loron ida" (L. 25). Imi haksolok bá!... No haksolok nafatin, nunka fó terus ba malu, se imi ruma hatene katak ema balun presiza tulun ruma fó kedas ba nia no imi konsola no tulun malu (L. 26). "Imi hotu hadomi malu? Iha karidade ba malu? (L. 27).

Pausa

L. "Hau-nia oan doben sira, ha'u hameno imi atu hadomi malu, atu pratika nafatin karidade hotu, komprende malu iha difeitu sira, korije malu difeitu sira, maibe nafatin ho laran midar. Imi mos kuidadu ba imi nia saude, ita hanoin bá katak moris ne'ebé ita iha la'o's ona ita-nia, maibe ita fó tiha ona ba comunidade, nune'e ita tenke tau matan ba nia, atu bele uza ba Maromak Nia Gloria" (L37).

Loron datoluk: "Ksolok ba sira ne'ebé buka dame, basá ema sei bolu sira Maromak oan" (Mt. 5,9).

"Madre Mazzarello Nia Vida Interior iha Orasaun, Sakramento

Rekonsiliasaun no Eukaristia".

Canto:

G. Iha tinan nia lala'ok, Kreda peregrine iha tempu, selebra Kristu nia prezensa rohan-laek iha istoria, no atualiza hikas fali obras salvasaun nian, liuhusi siklu liturjiku mós, ne'ebé nia tutun mak Pasqua no esprime an ho modun particular iha semana laran "Na'l Nia Loron". Hodi tama iha miste-riu grasa nian ne'e, iha tempu liturjiku oioin ho fiar no ho sentidu eklezial